

ING IMPORTANSYA NING PAMAGDISIPLINA KARENG ANAK

**Ituru me ing anak king dalan
a sukat nang dalanan:
at nung matua ne, e ne lakuan iti.
Kawikaan 22:6**



Para kareng pengari

Oini, ding anak mana la ning Ginu: at ing bunga na ning atian ya ing ablas na. Dalit 127:3

Kasaman ne ing anak na ning taung mamintu king tukud na. Kawikaan 13:24

Ing takut king Ginu ating masikan a kapanaligan: at ding anak na mika karinan lang pialung.

Kawikaan 14:26

Parusan me ing anak mu kabang atin pang kapanayan, at e me paburen ing kaladua mu king keang tangis. Kawikaan 19:18

Ing kamangmangan makatali ya king pusu ning anak; dapot ing tukud ning katuliran itabi ne kea. Kawikaan 22:15

E me pipigilan ing pamanuru king anak: uling nung paluan me king tukud e ya mate. Paluan me king tukud, at iligtas me ing kaladua na king inferno. Kawikaan 23:13-14

Ing tukud at pamamarusa babie lang kabiasnan, oneng ing anak a paburen king sarili na pakarine ne ing indu na. Kawikaan 29:15

Patuliran me ing anak mu, at dinan na kang kapaynawan; wa, dinan neng tula ing keang kaladua. Kawikaan 29:17

At ding anggang anak mu turuan nong GUINU; at maragul ing kapayapan da ding keang anak.

Isaias 54:13

Para kareng Anak

Igalang me i ibpa mu at i ima mu, bang mie kang makaba king labuad a babie na keka ning Ginung kekang Dios. Exodo 20:12

Anak ku, e mu lalako ing parusa na ning Ginu; ni e ko mapagal king keang pamanuru: Uling ing kaluguran na ning Guinu itulid ne; antimo ing metung a ibpa, ing anak a tula na. Kawikaan 3:11-12

Ding kasebian nang Salomon. Ing anak a biasa papasaya ne ing tata na, oneng ing anak a mangmang papalungkut ne ing ima na.

Kasebian 10:10

Makiramdam ka kang ibpa mung menganak keka, at e me lalako i ima mu potang matwa ne. Kawikaan 23:22

Ikayung anak, mamintu kayu karing pengari yu king kapamilatan na ning Ginu. Igalang me i tata mu at i ima mu; a ya ing mumunang utus a maki pangaku; bang maging mayap keka, at mie kang makabang panaun keti king yatu. Efeso 6:1-3

Igalang me i tata mu king mabilug mung puso, at e mu kakalinguan ing lungkut nang ima mu. Ganakan mu king ika anak da ka karela; at makananu mung ablas karela ing bague a depatan da keka?

Ecclesiasticus 7:27-28

Nung disiplina ta la reng anak tamu manangis la ngeni dapot magsaya la king daratang a panaun. Nung e ta la disiplina reng anak tamu mag enjoy la ngeni dapot manangis la king daratang a panaun.

Deng anak ila ring kinabukasan ning kekatamung bansa. Dapot nung tumua lang alang disiplina, nanu kaya ing daratang a panaun ning bansa tamu?

Ding sablang marok a panugali ning metung a matwa ila ring e me-correct o me-disiplina inyang anak ya pa mu. kailangan tamung patubuan deng anak a tatakut, lulugud, at mamintu keng apung ginu.

Kinua ke ing metung a pirasung mabie gabun at maranun neng binubu aldo aldo dinatang ku pasibayu inyang mewala na ing banua Metung yang lalaki ing linawe ku Iya pa rin ing minunang impress a susulud na At eku na agyung alilan pa